

գաւառ. քանզի լուան, թէ Միհրներսեհ Արեաց հազարապետ եկեալ ի Փայտակարան քաղաք՝ գունդ կազմէ¹ եւ ընդ Աղուանս արծակէ ի Զայս. զոր եւ Աղուանից ազատքն, որ ուխտակիցք էին Զայոց՝ ստեպ փութացուցանէին հասանել առ ինքեանս եւ անդէն յԱղուանս² ի դիմի հարկանել Նոցա պատերազմաւ:

3 Եւ արդ եկեալք յԱյրարատ գաւառ, եւ զայս համբաւ լուեալ ի կողմանցն Աղուանից՝ ստիպէր զերանելի սպարապետն Զայոց Վարդան զտէրն Մամիկոնէից իշխանն Սիւնեաց Վասակ՝ զնալ պատահել Նոցա զնդաւ. եւ զինքն մնացուցանէր անդէն պատճառանաւք, ասելով, թէ «Ես աստէն պատրաստիմ. գուցէ, ասէր, այլ ինչ իմացեալ չարախորհուրդն Միհրներսեհ՝ գործիցէ ընդ մեզ⁴»: 4 Այլ ինքն Վասակ զխաբէութեան ճանապարհն կազմեալ Նիւթեր ի սրտի իւրում, ունելով կամակիցս եւ այլ աստուածանենգ արս խորհրդոցն իւրոց՝ յազատացն Զայոց: 5 Իսկ երանելի սպարապետն Զայոց, տէրն Մամիկոնէից Վարդան, ասէր ցիշխանն Սիւնեաց Վասակ, թէ «Որպէս ածաք զմտաւ՝ պարտ է մեզ Նախ զորս առաքեմքն առ կայսր՝ արծակել, եւ ապա զոր ինչ հրամայեսցես ինձ՝ առնեմ անխափան»: 6 Եւ Նորա յաղագս ճեպով զիր առաջի եղեալ զխորհուրդն կատարելոյ՝ յանձն իւր առնոյր զասացեալսն յերանելի սպարապետն ի Վարդանայ կատարել:

7 Եւ վաղվաղակի Նամականի արարեալ առ կայսր եւ առ ամենայն աւագանի դրանն Յունաց եւ առ այլ իշխանս եւ կողմնակալս, առ բղեշին Աղծնեաց եւ առ իշխանն Անգեղ տան, ի Ծովս եւ ի Զաշտեանս եւ յեկեղեաց եւ այլ իշխանաց իւրաքանչիւր տեղեաց, եւ առ մեծ սպարապետն Անտիոքայ: 8 Եւ զայս ամենայն թղթեան⁵ կնքեր Նախ ինքն իշխանն Սիւնեաց Վասակ իւրով մատանեաւ, եւ ապա ամենայն տանուտեարքն Զայոց: 9 Եւ պատրաստեալ ճանապարհին Յունաց կազմէին զիշխանն տանն Ամատունեաց Վահան, որպէս զայր մտացի եւ խորհրդական, եւ զսուրբ սեպուհն⁶ զՅմայեակ, զեղբայրն երանելի⁷ զԱւրավարին Զայոց Վարդանայ ի Մամիկոնէից տոհմէն, եւ զերանելին Մերիուծան զեղբայր սրբոյն Աղանայ՝ ի տոհմէն Արծրունեաց: 10 Յորոց ձեռն տուեալ զՆամականին⁸ իշխանին Սիւնեաց Վասակայ

1 Զ. գունդ կազմ

2 ՏՏ. առ Աղուանս

3 Զ. լուանցքում՝ ԺԷ

4 Զ. գործիցէ մեզ ընդ այլ

5 Զ. թղխթեան

6 ՏՏ. եւ սուրբ սեպուհն

7 Զ. երանելոյն

8 Ատ. Նամականին